



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87ա

<< 24 >> 12 2018թ.

Ո Ր Ո Շ ՈՒ Մ No. 4909 /07-Ա

ԶԿԱՏԱՐԱԾ ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԸ ԳԱՆՁԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով <<ՎԱՀԱԳՆ ՍԱՆՈՍՅԱՆ>> ԱԶ-ի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների <<ՎԱՀԱԳՆ ՍԱՆՈՍՅԱՆ>> ԱԶ-ի (պետական ռեգիստր՝ 49.968.784, ՀՎՀՀ՝ 54662133, հասցե՝ Արագածոտնի մարզ, Արագած 1փ., տուն 37) չկատարած հարկային պարտավորությունը <13> դեկտեմբերի 2018թ.-ի դրությամբ կազմել է 3.007.720 դրամ, որից ապառք՝ 2.561.046 դրամ, տույժ՝ 359.731 դրամ, տուգանք՝ 86.943 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <14> դեկտեմբերի 2018թ.-ին հարկ վճարողը պատշաճ կերպով ծանուցվել է ՀՀ ինտերնետով ծանուցման պաշտոնական կայքում տեղադրելու միջոցով, սակայն վարույթի նյութերին ծանոթանալու համար չի ներկայացել և որևէ բացատրություն չի տվել:

<14> դեկտեմբերի 2018թ. դրությամբ առկա պարտավորությունից եկամտային հարկի գծով 16.790 դրամ և սոցիալական վճարի /ամսական/ գծով 1.825 դրամն առաջացել է 2018թ. նոյեմբեր ամսվա եկամտային հարկի և սոցիալական վճարի վերաբերյալ հաշվարկից, որի վճարման վերջնաժամկետը դեկտեմբերի 20-ն է:

Սույն գանձման որոշման մեջ չի ներառվում 2018թ. հոկտեմբեր ամսվա եկամտային հարկի և սոցիալական վճարի վերաբերյալ հաշվարկի համաձայն առաջացած եկամտային հարկի 16.790 դրամը և սոց վճարի/ ամսական/ 1.825 դրամը, ինչպես նաև 25.06.2018թ. թիվ 4102741 սպուգման ակտով առաջադրված 54.000 դրամ տուգանքը:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է 2.916.490 դրամ, որից՝

ներմուծման ավելացված արժեքի հարկի գծով պարտավորությունը կազմում է 832.221 դրամ, որից ապառք՝ 658.860 դրամ, տույժ՝ 140.418 դրամ, տուգանք՝ 32.943 դրամ, որն առաջացել է 2018թ. մարտ ամսվա ներմուծման ԱԱՀ-ի հայտարարագրերից, ՀՀ հարկային օրենսգրքի 401-րդ և 402-րդ հոդվածների համաձայն հաշվարկված տույժերից և տուգանքներից,

եկամտային հարկի գծով պարտավորությունը կազմում է 117.057 դրամ, որից ապառք՝ 105.740 դրամ, տույժ՝ 11.317 դրամ, որն առաջացել է 2017թ. նոյեմբեր ամսվա եկամտային հարկի գումարից, 2018թ. ապրիլից սեպտեմբեր ամիսների եկամտային հարկի և սոցիալական վճարի վերաբերյալ հաշվարկներից, հարկային պարտավորությունները սահմանված ժամկետներում չվճարելու հետևանքով իրավահարաբերության պահին գործող <<Հարկերի մասին>> ՀՀ օրենքի 23-րդ հոդվածի (ուժի մեջ էր մինչև 31.12.2017թ.) և 01.01.2018թ. հետո ՀՀ հարկային օրենսգրքի 401-րդ հոդվածի համաձայն հաշվարկված տույժերից,

շրջանառության հարկի գծով պարտավորությունը կազմում է 1.965.285 դրամ, որից ապառք՝ 1.757.391 դրամ, տույժ՝ 207.894 դրամ, որն առաջացել է 2017թ. չորրորդից 2018թ. երրորդ եռամսյակների շրջանառության հարկի հաշվարկներից, ինչպես նաև ՀՀ հարկային օրենսգրքի 401-րդ հոդվածի համաձայն հաշվարկված տույժերից,

սոցիալական վճարի /ամսական/ գծով պարտավորությունը կազմում է 1.927 դրամ, որից ապառք՝ 1.825 դրամ, տույժ՝ 102 դրամ, որն առաջացել է 2018թ. սեպտեմբեր ամսվա եկամտային հարկի և սոցիալական վճարի վերաբերյալ հաշվարկից, <<Կուտակային կենսաթոշակների մասին>> ՀՀ օրենքի 71-րդ հոդվածի համաձայն հաշվարկված տույժերից,

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար է, որը վճարվում է հարկ վճարողի կողմից՝ ՀՀ հարկային օրենսգրքով սահմանված կարգով, չափերով և ժամկետներում: Համաձայն <<Հայաստանի Հանրապետության պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման: Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:**

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. <<ՎԱՀԱԳՆ ՍԱՆՈՍՅԱՆ>> ԱԶ-ից գանձել 2.916.490 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:

4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**



Ա. ՄՆԱՑԱԿԱՆՅԱՆ

Ստացա որոշման օրինակը

Ստորագրություն

հարկ վճարողի /կամ ֆիզ. անձի/ պաշտ. անձի անուն ազգանուն

ամսաթիվ

Կատարող՝ ԻՎ ՀԳ բաժին,
գլխավոր մասնագետ
Լ.Թորոսյան. հեռ.0312 9 96 66